



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Conversio Peccatoris, Seu Modus quo Peccator
communiter resurgit ad justitiam.**

Lefelon, Antoine

Bruxellis, 1675

§. 1. De venialibus facilior est paenitentia.

urn:nbn:de:hbz:466:1-9433

§. I.

De venialibus facilius est pœnitentia.

Hujusmodi autem à venialium pœnitentia abest necessitas. Fieri enim potest ut quis verè, id est, sufficienter ad ejus remissionem pœnitet de uno veniali, & non de alio : de majori & non de minori : & fieri quandoquè potest è converso, dum v. g. uni, non alteri afficitur, metu aut alicujus commodi desiderio ; non hoc sed alia à quibus hæc absunt, paratus est deserere. Displicet subindè & ipse numerus, ut quamvis singularum displicantiam à se non obtineat, simpliciter tamen improbet, se toties in hoc genere excessisse. Adde nunc maiorē enormitatem, turpitudinem, aliasquè circumstantias, ob quas sæpenumerò unum, & non aliud ab affectu excluditur. Insuper omnia & singula graviora delicta cavere sit nobis Dei gratiā possibile : *Sicut enim*, ait quidam Veterum, Ser. 56. de fine minutis peccatis nullus umquam aut fuit aut temp. Aug. esse poterit : ita sine capitalibus criminibus, donante & auxiliante Deo, omnimodis esse possumus & debemus. Propter quod ad mortaliū pœnitentiam, satis non est, eorum volun-

luntatem deponere , nisi etiam quis statuat ab iis omnibus continere; ac per hoc & ea media , quibus ad hoc efficiendum illi opus esse prudenter judicatur, velit assumere. Tametsi enim morbum oderit æger , eumquè abesse optet ac sanitatem adipisci ; non tamen absolutâ id vult voluntate, si remedia ad excludendum morbum , ac sanitatem comparandam necessaria detrectet subire. Sic sunt nonnulli , quibus displicet sua infirmitas , quâ se vident ad consueta sine cessatione relabi , displicant illis relapsus, à quibus se vellent continere ; sed tamen id adhuc simpliciter non volunt , ac per hoc non debitè pœnitent , si ad superandam infirmitatem, & præcavendum recidivum necessariò vitanda aut adhibenda vitare renuant aut adhibere. Ex quo elucet quām meritò à S. Carolo Confessariis dictum sit : *Jam verò non solum absolvere eos non pos-* *Instruct.*
sunt , qui peccato mortali valedicere constanter *Past. p. 2. c.*
non decernunt , sed nec illos etiam , qui quamvis
afferant peccatum se velle deserere , tamen una
dicunt , videri sibi non se commercium illius esse
relicturos , nì ea velint remedia apponere , sine
quibus Confessarius judicat ad vomitum reditu-
ros. *c. 15.*